

d. Ekkjan má ekki hafa átt sök á dauða mannsins að álitu dómstólanna. Ekkj- 188
an missir rétt til ekknastyrks ef hún giftist á ný. 28. nóv.

4. **Barnastyrkur.** Börn látins sjóðsmeðlims geta fengið styrk úr sjóðnum þar til þau eru fullra 16 ára að aldri, ef þau hafa erfðarétt eftir hann.
5. **Náms- og vísindastyrkur.** Meðlimir sjóðsins geta fengið styrk til framhaldsnáms og vísindaiðkana í lyfjafræði.

9. gr.

Allar tekjur sjóðsins skulu fyrst um sinn ávaxtaðar og engu af þeim varið til greiðslu styrkja, en þegar aðalfundur álitur, að eignir sjóðsins séu nægilega miklar, getur fundurinn samþykkt að verja allt að þrem fjórðu hlutum af árstekjum sjóðsins til greiðslu styrkja, en að minnsta kosti einum fjórða hluta vaxtanna skal ætíð bætt við höfuðstólinn.

10. gr.

Styrkveitingum skal haga þannig, að þeim einum, sem sótt hafa skriflega um styrk úr sjóðnum fyrir 1. desember árið áður en styrkurinn á að greiðast, geta komið til greina við úthlutun. Skal skipta þeirri upphæð, sem greiðast skal hverju sinni þannig, að $\frac{1}{4}$ þess, sem greitt verður af vöxtunum, skal verða styrkur til náms og vísindaiðkana, en $\frac{3}{4}$ styrkur samkv. öðrum ákvæðum 8. gr. Séu ekki fyrir hendi fullnægjandi umsóknir, sem sjóðstjórn vill verða við, fellur styrkveiting að því leyti niður.

11. gr.

Óheimilt er skuldheimtumönnum styrkþega að gera fjárnám, lögald, lögtak eða nokkurs konar aðför í styrkjum þeim, sem veittir verða úr sjóðnum, og ef styrkþegi deyr, áður en styrkurinn er greiddur honum úr sjóðnum, fellur greiðsluskylda sjóðsins niður, nema sjóðstjórn taki ákvörðun um að greiða erfingjum styrkþega féð.

12. gr.

Leita skal konunglegrar staðfestingar á skipulagsskrá þessari og hún birt í B-deild Stjórnartíðindanna.

GJALDSKRÁ

fyrir rafveitu Akureyrar.

189

29. nóv.

I. Raforka.

Rafveita Akureyrar skal selja raforku á þann hátt og við því verði, sem hér segir:

A. Lýsing.

Þar, sem orkan er aðallega notuð til lýsingar, skal hún seld:

1. Á heimilum má selja um kílóvattstundamæli (um kwst.-mæli) samkvæmt gjaldskrárlið B 2, þótt orkan sé eingöngu notuð til ljósa.
2. Um kwst.-mæli á 60 auru hver kílóvattstund (kwst.).

B. Rafmagn til almennrar heimilisnotkunar.

Þar, sem orkan er aðallega notuð til suðu eða hitunar í heimilum, má selja hana:

1. Um tvenna mæla, annan til ljósa, hinn til suðu og hitunar. Á ljósamælinn reiknast ljósagjald samkvæmt A 2, en á hinn mælinn á 10 auru. Suðu- og

189
29. nóv.

hitunartæki skulu vera fasttengd. Þó má tengja eldavél um sérstakan 25 amp. eldavélatengil og hafa einn tengil að auki í eldhúsinu fyrir suðutæki, strokjárn o. þ. h.

- Um einn kílóvattstundamæli fyrir alla notkun á heimilinu á 60 aura hverja kwst. fyrstu 2,5 kwst. á ári á hvern m^2 gólfplatar íbúðarherbergja, en á 10 aura hverja kwst. fyrir næstu notkun, þannig reiknað:

30 kwst./ m^2 á ári fyrstu 50 m^2

10 kwst./ m^2 á ári næstu 50 m^2

Notkun umfram þetta greiðist með 6 aurum hver kwst.

Rafveitustjórn er heimilt að takmarka ákvæði gjaldliðs þessa þannig, að gólfplötur heimilis reiknist eigi yfir 20 m^2 á hvern mann á heimilinu. Þó skal til þessa koma leyfi rafveitustjórnar í hvert sinn. Við útreikning gólfplatar skal tekið tillit til, ef um súðarherbergi eða því líkt er að ræða. Til íbúðarherbergja teljast eldhús, en eigi gangar, baðherbergi eða geymslur.

- Um einn kwst.-mæli fyrir alla notkun á heimilinu á 10 aura hver kwst. fyrir fyrstu notkun þannig reiknað: 2,75 kwst. á ferm. á mán. á fyrstu 50 ferm., 1 kwst. á mán. á næstu 50 ferm. Notkun umfram þetta greiðist með 6 aurum hver kwst. Auk þess greiðist fastagjald kr. 1.20 á ári af hverjum fermetra gólfplatar og innheimtist það mánaðarlega með jöfnum upphæðum.

Um ákvörðun gólfplatar gilda sömu ákvæði sem í B 2

C. Vélar.

Þar, sem orkan er seld til vélareksturs, skal hún seld:

- Um kwst.-mæli á 25 aura hver kwst. Þó skal minnsta árgjald vera kr. 50.00 á hvert kw. í málraun vélanna.
- Um mæli á kr. 240.00 kw. mesta notaðs afls á árinu og auk þess 3 aura á notaða kwst.
- Um tvígjaldsmæla, ef um meira en 10 kw. afl er að ræða og ársnotkunartíminn er meira en 500 klst. á 50 aura hver kwst. af þeirri notkun, er fram fer á tímum frá kl. 11—12, en á 16 aura á öðrum tímum.

Ef ársnotkun um einn mæli er meiri en 5000 kwst., má veita afslátt á notkun utan tíma mesta álags, þannig:

| Fyrir fyrstu | 5000 kwst. | utan tíma mesta álags | ÷ | afslátt | 0 % |
|--------------------|------------|-----------------------|---|---------|----------|
| — næstu | 10000 | — | — | — | ÷ — 10 — |
| — | — | 30000 | — | — | ÷ — 20 — |
| — | — | 60000 | — | — | ÷ — 30 — |
| — | — | 100000 | — | — | ÷ — 40 — |
| og notkun þar yfir | — | — | — | — | ÷ — 50 — |

D. Hitun.

Þar, sem orkan er notuð til hitunar, má selja:

- Til upphitunar húsa, enda sé rafmagnsupphitun aðalupphitun hússins:
 - Um sérmæli fyrir hitalögnina á 6 aura hverja kwst.
 - Um sérmæli fyrir hitalagnir á 4 aura hverja kwst., enda hafi rafveitan rétt til þess að rjúfa strauminn af hitalögninni frá kl. 10½ f. h. til kl. 12 á hádegi.
 - Um sérmæli á 2,5 aura hverja kwst., enda megi þá rjúfa strauminn af hitalögninni frá kl. 10½—12½ og enn fremur 2 klst. seinni hluta dags, þegar álag rafveitunnar er mest.
 - Um tvígjaldsmæli fyrir hitalagnir á 1,5 aura hverja kwst. frá kl. 23 til kl. 8, en á 3 aura frá kl. 8 til kl. 23. Strauminn megi þá rjúfa á sömu tímum og við D 1 c.

- e) Um sama mæli, sem til annarar heimilisnotkunar samkv. gjaldskrárlið B 2, 189 þannig, að verð á umframnotkun lækki úr 6 aorum í 4 aura, ef fullnægt er skilyrðum liðs D 1 b, í 2,5 aura, ef fullnægt er skilyrðum D 1 c, og í 3 aura, ef fullnægt er skilyrðum D 1 d, og reiknast þá öll næturnotkun á 1.5 aura. 29. nóv.
- f) Um kwst.-mæli á 1,25 aura hverja kwst., er fram fer frá kl. 23 til kl. 8, enda sé notað eingöngu, eða því nær eingöngu, næturrafmagn til upphitunar hússins.

Sala samkvæmt gjaldskrárlið D 1 til fullrar húshitunar er bundin því skilyrði, að nægilegt afl sé fyrir hendi og að götulinur og spennar þoli álagið, að dómi rafveitustjóra. Enn fremur skulu öll hitunartæki vera fasttengd, og gerð hitalagna og hitunartækja háð samþykki rafveitustjóra. Hann ákveður hvort setja skuli sjálfvirkan klukkurofa eða annan útbúnað til að tryggja, að rofinn sé straumur til hitunartækja á tilteknum tímum. Má skylda notanda hitalagnarinnar til að sjá um, að straumurinn sé rofinn á réttum tíma, og liggja sektir við, ef vanrækt er, sem nemi 1 eyri á hvert kw. í málraun hitunartækjanna fyrir hverja mínútu, sem dregst að rjúfa fram yfir tilsettan tíma. Notandi skal kosta tengingu sjálfvirks klukkurofa fyrir hitalögnina og greiða leigu fyrir hann samkv. sömu reglum, sem gilda um leigu mæla.

2. Til hitunar á iðnaði, við handiðn eða atvinnurekstur:

- a) á 5 aura hverja kwst., enda sé þá minnsta notkun 10000 kwst. á ári.
- b) um tvígjaldsmæli á 4 aura hverja kwst. frá kl. 23 til kl. 8 og 10 aura frá kl. 8 til kl. 23.
- c) um hemil eða hemil-mæli á kr. 240.00 árskw. og 10 aurar á kwst. fyrir alla umframnotkun. Rafveitustjóri ákveður stillingu hemils. Við sölu samkvæmt gjaldskrárliðnum D 2, a, b og c má bæta því skilyrði, að afslátt megi veita sem því nemi, að raforkunotkun verði eigi dýrari en sambærileg notkun með kolum. Skal þá reikna út afsláttinn um hver áramót eftir á.

E. Orkusala til fyrirtækja, sem hafa eigin vélar til orkuvinnslu.

Rafveitustjórn getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði að stöðva megi orkusöluna til þeirra, hvenær sem þarf, að dómi rafveitustjóra.

F. Þegar sérstaklega stendur á má rafveitustjórn, í samráði við rafveitustjóra, selja raforku eftir sérstökum samningi í hvert skipti.

G. Gjald fyrir götu- og hafnarlýsingu ákveður bæjarstjórn eftir tillögu rafveitunefndar.

II. Mælaleiga.

Rafveitustjóri ákveður stærð og gerð mælitækis, sem nota skal fyrir veitu hverri, og er sú ákvörðun skuldbindandi fyrir notandann, sem greiða skal leigu af mælitækinu samkvæmt eftirfarandi skrá:

| | Upp að | | Ársleiga í kr. | |
|-------------------------------|--------|-----------|----------------|--------------|
| | 5 amp. | 5—30 amp. | 35—75 amp. | yfir 75 amp. |
| Einfasa mælar | 3.00 | 7.20 | „ | „ |
| Einfasa frádráttarmælar | 12.00 | „ | „ | „ |
| Þrífasa mælar | „ | 12.00 | 18.00 | 24.00 |
| Tvígjalds mælar | „ | 18.00 | 24.00 | 30.00 |
| Lausar skiptiklukkur | „ | 6.00 | „ | „ |

Af öðrum mælitækjum en þeim, sem nefnd eru í töflunni, skal leigan vera að minnsta kosti 15% af mælisverðinu, og semur rafveitustjóri nánari skrá um leiguna. Leigan skal innheimt um leið og gjald fyrir raforkuna.

III. Ýmis gjöld.**1. Opnunargjöld.**

Hafi gjald samkvæmt gjaldskrá þessari eigi verið greitt, svo að til lokunar komi fyrir veitu, skal taka gjald fyrir enduropnun veitunnar, 2 krónur.

2. Sekt fyrir óleyfileg vör.

Ef fundin eru óleyfileg vör við skoðun, eða of stór, skal veitunni lokað tafarlaust, og verður hún eigi opnuð fyrr en notandi hefir greitt tveggja króna gjald á skrifstofu rafmagnsveitunnar.

Bæjarstjórn er heimilt að hækka eða lækka gjöld, sem ákveðin eru í gjaldskrá þessari, um allt að 20%, án sérstakrar staðfestingar ráðuneytisins.

Gjaldskrá þessi staðfestist hér með samkvæmt vatnalögum, nr. 15 20. júní 1923, og er jafnframt úr gildi felld gjaldskrá fyrir rafveitu Akureyrar nr. 100 14. okt. 1932.

Félagsmálaráðuneytið, 29. nóvember 1940.

Stefán Jóh. Stefánsson.

Vigfús Einarsson.

REGLUGERÐ

fyrir rafveitu Akureyrar.

A. Stjórn og rekstur.**1. gr.****Markmið rafveitunnar.**

Rafveita Akureyrar er fyrirtæki, sem Akureyrarkaupstaður starfrækir í þeim tilgangi að veita raforku um bæinn og selja hana til heimilisnotkunar, iðnaðar og annara þarfa. Rafveitan er eign Akureyrarbæjar, en skal rekin sem sjálfstætt fyrirtæki með nafninu Rafveita Akureyrar.

2. gr.**Verksvið og orkuveitusvæði.**

Rafveita Akureyrar kaupir raforku af orkuveitu frá Laxárvirkjuninni eða öðrum, vinnur orku sjálf í orkuveri sínu hjá Glerá eða í öðrum orkuverum, er síðar kunna að verða reist á orkuveitusvæði hennar, og veitir þeirri orku, sem þannig er keypt eða unnin, um orkuveitukerfi rafveitunnar.

Orkuveitusvæði rafveitunnar er lögsagnarumdæmi Akureyrarkaupstaðar og sá hluti nágrennis bæjarins, sem bæjarstjórn ákveður og atvinnumálaráðherra samþykkir.

Rafveita Akureyrar hefir einkarétt til sölu á raforku til notenda á orkuveitusvæði sínu.

3. gr.**Stjórn rafmagnsmála. Rafveitustjóri.**

Yfirstjórn rafmagnsmála bæjarins er í höndum bæjarstjórnar, en framkvæmdarstjórnin sé falin rafveitunefnd ásamt bæjarstjóra og rafveitustjóra, sem bæjar-